



Siverth K. Heilmann

30. April 2019  
UPA 2019/63-1

**Sinerissap qanittuani aalisariutit isaterneqarneranni akileraaruteqaataajunnaarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut.**  
(Inatsisartuni ilaasortaq Jens Napâtôk', Partii Naleraq)

Inatsisartuni ilaasortaq Jens Napâtôk' Partii Naleraq Atassut-mit qutsavigissavatsigit, sinerissap qanittuani aalisariutit isaterneqarneranni akileraaruteqaataajunnaarnissaanik Naalakkersuisut peqquneqarnissannik Inatsisartut aalajangiiffigisassaattut siunnersuuteqarninnut, imatullu naatsumik Atassut-miit oqaaseqarfingissavarput.

1950-ip ingerlanerani aalisarluarnerup nalaani kingusinnerusumiluunniit, pingaartumik sinerissap qanittuani aalisariutinik pisaartuunneq annertuumik ingerlanneqarpoq, matumalu kinngorna alliartuaarlutik kilisaatit raajarniutinik qujanaqisumik pisaartuunneqarpoq. Pisoqalimmatali ileqquliukkaluttuinnarneqarpoq, imartatta ilaanut kangerlunnuunerusoq kivisinneqaannartarneri, soorunami ilaat isaterneqarlutik ikuallanneqarsinnaasut isumagineqartarput.

Politikkikkut mingutsitsinnginnissamik pingaartitsilluta suaaruteqartuarluta kiisami ikuallaaviit il il angallatit pisoqalisut isaterneqarsinnaanerinut aaqqissuusseqaagut. Siuarineq kusanaq, kisiannili aaqqissuussineq nutaajugaluaqisoq, Naalakkersuisooqatigiit nikerartarnerisa kingunerisaanik suli akueriuminaatsumik aporfegartarpugut.

Kinguariit nikerarerat pivallaarunnaarlugu, aalisartut amerliartuinnarnerinik aalisagartassallugu killeqarleraluttuinnarneranik oqaluutigaluni, ukiortpassuarni aalisartorsuit utoqqalimmatagooq, aalisariutiminnik isaterititsiniarpata nunatta karsiata akiliissavaanik oqaatigaluni, aalisariummik piginnittooq inuussutissarsiutaaniik arsaarlugu aalisarunnaarnissaannik piumasaqarneq, Atassut-miit akuerinngisaannarsimavarput sulilu tamanna attallugu.

Aap aningaasanut inatsit aqqutigalugu naleqqussaaffigineqarsimanera siunnersuuteqartup eqqaavaa, ajoraluartumilli inatsisartut inatsisaannik aallaaveqartumik Aningaasaqarnermi Naalakkersuisumiit oqaatigisaatut, isaterinissamut tapiissutisisimasoqartillugu akileraartussaatitaaneq avaqqunneqarsinnaasimannginneranik ersarissaaneq ilumoorpoq.

Tamannali uniffigiinnassanngilarput, inatsisiliortutummi allannguerusukkutta periarfissaraarput pisussaaffigalugulu naleqqussaqqinnissarput. Qangarsuaani illi angallatinuinnaanngitsoq tapiissutinik



pissarsisimagaanni akileraartussaatitaaneq malillugu pisortanut nalunaartussaatitaaneq piuvoq, akiligassaqalersimagaangattali paasiuminaatsitsisarnigut nalinginnaapput, paasisitsiniaanerilli aallulluaraanni kinguneqartuannarneri tamatta ilisimalluarparput.

ESU atuukkallarmat, nunami immamilu inuussutissarsiortunut kinguneqarluartumik atuutarnera puujorsimanngeqaarput, ukiunili kingulliunerusuni allanngortiterinerpassuit ilami aamma suliffiit nutaat pilersinniarneranni matut kasuttorfissat amerlasaqimmata, Atassut-miit ikilisarneqartariaqartut aalajangiiffigisassamik inatsisartuni saqqummiussaqarsimavugut.

Itigartinneqariarluni taamanikkut Naalakkersuisuusunik ullualuit qaangiuttut, siunnersuuterput atorneqalernera aamma tusagassiorfiit aqqutigalugit malinnaaffigisimavarput. Qisummik aalisariuteqarnermiit glasfiber-inut ikaarsaarsimavugut naleeqqussarsimalluta. Aalisariutit pisoqalisut nutarsarsinnaanerinut siunnersortinik atorfeqartitsisimavugut aalisartunut aningaasarsiornermullu iluaqtigisimaqisatsinnik.

Aalisakkat tammakarnerisa kingunerisaanik aningaasarsiornerput tamatsinnut eqquinerlullarmat, Atassut-ip oqaluttarfik manna atorlugu oqaatigiuarpaput, aalisakkat takkusimaaqqilissasut tunisassiornerpullu pitsasumik aaqqissuunneqarpat, Nunatta aningaasarsiornera siunissaalu qaamasoq ornikkippus. Tamanna soorlu takussutissaqarluartoq, qanorli nunami suliffiit ataavartut amerlanerit pilersinnissaanut politikkikkut aqtsineq aqqutissiuussinerlu pitsaanerusoq ingerlanneqaraluarpat.

Taamatut oqaaseqarluta, Atassut-miit inassutigissavarput, siunnersuut itigartiinnarnagu ataatsimiititaliami sukumiisumik nalilersorneqarluni naaperiutissamik suliaqqaartoqarnissaa.

Qujanaq.

